

आकाशवाणी

खबरां ----

1. संसद दे दौनें सदनें च अज्ज राष्ट्रपति हुंदे अभिभाषण पर धन्नवाद प्रस्ताव पर चर्चा शुरू होई।
2. दिल्ली विधानसभा आस्तै होने आहले चुनांs लेई प्रचार अज्ज सम्पन्न होई गेआ। बक्ख-बक्ख सियासी पार्टिं दे नेताएं मतदाताएं गी अपने पक्ख च करने लेई जोर शोर कन्नै प्रचार कीता।
3. दिल्ली विधानसभा चुनां दे मद्देनजर चुनां आयोग नै 5 फरवरी संझा साइडे 6 बजे तगर कुसै बी चाल्ली दे एग्जिट पोल पर पाबंदी लाई दिती ऐ।
4. विदेश मंत्री डॉ. एस जयशंकर होरें पिछले बरे दिसंबर च होई दी अमरीकी जातरा बारै च कांग्रेस नेता राहुल गांधी हुंदे पर जानी बुज्जिए झूठ फैलाने दा आरोप लाया ऐ।
5. मुख्य च डिजिटल भुगतान ते लैन-देन पिछले माली बरे च 18 जहार करोड़ रपे थवां मता होई गेआ ऐ।
6. राष्ट्रीय खेड्डें च पंजाब दी सिफत कौर सामरा होरें महिलाएं दी 50 मीटर3 पोजिशन च सुन्ने दा तगमा जितेआ ते कर्नाटक दे जोनाथन एंटनी

होरें मर्दे दी 10 मीटर एयर पिस्टल मुकाबलेबाजी च सुन्ने दा तगमा हासिल कीता।

<><><><><><>

### **Motion of Thanks**

लोकसभा च अज्ज राष्ट्रपति हुंदे अभिभाषण पर धन्नवाद प्रस्ताव पर चर्चा शुरू होई। बीजेपी दे रामवीर सिंह विधूड़ी होरें धन्नवाद प्रस्ताव पेश करदे होई नरेंद्र मोदी हुंदे नेतृत्व आहली सरकार आसेआ कीते गेदे कम्में ते आम लोकें दी भलाई-बेहतरी आहली योजनाएं गी गिनाया। उनें राष्ट्रीय राजधानी दिल्ली च आयुष्मान भारत ते प्रधानमंत्री आवास योजना जनेइएं होरनें योजनाएं गी लागू नेई करने पर आम आदमी पार्टी दी सरकार दी नुख्ताचीनी कीती। उनें आखेआ जे दिल्ली सरकार लोकें गी सेहत, घर-मकान ते होरनें बुनियादी सेवाएं कोला वंचित रक्खा करदी ऐ। तोआई, राज्यसभा च बी अज्ज राष्ट्रपति हुंदे अभिभाषण पर धन्नवाद प्रस्ताव पेश कीता गेआ। बीजेपी दे किरण चौधरी होरें आखेआ जे सरकारें करसानें दी औंदन दूनी करने लेई केई महत्वपूर्ण गेंई पुट्टियां न। उनें आखेआ जे विरोध धड़ा राई-बाई गी लेइयै सरकार दिएं स्कीमें दे बारै च झूठा अभियान चला करदा ऐ। चर्चा च हिस्सा लेंदे होई कांग्रेस दे मल्लिकार्जुन खडगे होरें बेरोजगारी, महंगाई ते अमरीकी डालर दे मुकाबले भारतीय रुपे दी कीमत च गिरावट पर चिंता प्रगट कीती।

तोआई, लोकसभा च धन्नवाद प्रस्ताव पर चर्चा दौरान कांग्रेस दे लीडर राहुल गांधी होरें बेरोजगारी दा मसला पुट्टेआ ते आखेआ जे सरकार गी इत्त भेठा चेचा ध्यान देना लोड़चदा। उनें आखेआ जे सरकार आसेआ शुरू कीती गेदा मेक इन इंडिया ऐ ते बड़ा अच्छा विचार पर इसी ढंग्गै सिर लागू नेई कीता जा'रदा ऐ।

<><><><><><>

### Opposition-Walk out

महाकुम्भ च किश रोज पैहले मची दी नस-भज्ज च होई दिएं मौतें गी लेइयै विरोधी धड़ें अज्ज संसद दे दौनें सदनें च हंगामा मचे दा रेहा। कांग्रेस ते समाजवादी पार्टी सने सब्बनें विपक्षी पार्टिएं सरकार पर मौतें दा आंकड़ा छपैलने दा आरोप लाया। इनें सदस्यें सरकार खलाफ नारेबाजी कीती। अज्ज बड्डलै जिसलै लोकसभा शुरू होई तां विरोधी धड़ें हंगामा शुरू करी दिता ते मगरा सदन थमां वॉकआउट करी दिता।

<><><><><><>

### Delhi Election

दिल्ली विधानसभा चुनां आस्तै अज्ज संझा 6 बजे चुनां प्रचार सम्पन्न होई गेआ। दिल्ली विधानसभा लेई चुनां 5 फरवरी गी होना ऐ। वोटें दी गिनतरी

आह्ला कम्म 8 फरवरी गी होग। हर इक पार्टी नै अपने-अपने मेदवार दे पक्ख च रैलियां, रोड शो ते जोर शोर-कन्नै प्रचार कीता तां जे मतदाताएं गी अपनी पार्टी दे पक्ख च कीता जाई सकै।

<><><><><><>

## **Exit Poll**

चुनां आयोग नै 5 फरवरी बड्डलै 7 बजे थवां संझा साड्डे 6 बजे तगर एग्जिट पोल पर पूरी चाल्ली पाबंदी लाई दिती ऐ। इस सरबंध्यै च दिल्ली दे मुख चुनां अधिकारी हुंदे दफ्तरै आसेआ आदेश जारी कीता गेआ। 5 फरवरी गी उत्तर प्रदेश ते तमिल नाडू च 2 थाहरें पर उपचुनां होंगन। 22 जनवरी गी जारी अधिसूचना मूजब पिं्रट या इलेक्ट्रानिक मीडिया या कुसै होर तरीके जेड़ा बी होए, च एग्जिट पोल, अपिनियन पोल जां कुसै होर चुनां सर्वेक्षण दे नतीजें पर पाबंदी रौहग। दिल्ली चुनाएं दे अलावा उत्तर प्रदेश दी मिल्कीपुर विधानसभा ते तमिलनाडू दी अरोडे पूर्व च चुनां होना ऐ।

<><><><><><>

## **Modi-Samvaad**

भारतीय जनता पार्टी दे वरिष्ठ नेता ते प्रधानमंत्री नरेंद्र मोदी होरें अज्ज नमीं दिल्ली च छात्रें कन्नै गल्लबात कीती। इस दौरान प्रधानमंत्री होरें आखेआ जे उनें सुनेआ ऐ जे आम आदमी पार्टी सरकार बच्चें गी कक्षा 9 कोला अग्गे

बदने थमां रोकदी ऐ जदूं तक्कर उनेंगी पास होने दी गरंटी नेई दिती जाए।  
श्री मोदी होरें आखेआ जे एहदे पिच्छे तर्क एह ऐ जे कुसा बी छात्र दा  
रिजल्ट खराब आंदा ऐ ते एहदे कन्नै सरकार दी प्रतिष्ठा पर नकारात्मक  
असर पेई सकदा ऐ।

<><><><><><>

### **Goyal-AAP**

भारतीय जनता पार्टी दे वरिष्ठ नेता और केंद्रीय मंत्री पीयूष गोयल होरें  
अज्ज आम आदमी पार्टी सरकार पर दिल्ली दे लोकें गी जरूरी सुविधाएं ते  
केंद्र सरकार दी योजनाएं थमां वंचित रखने दा आरोप लाया ऐ। श्री गोयल  
होरें नमीं दिल्ली च मीडिया गी दस्सेया जे दिल्ली सरकार नै प्रधानमंत्री  
आवास योजना ते आयुष्मान भारत येजना समेत केंद्र दी कई योजनां लागू  
नेई कीतियां। उनें आखेआ जे दिल्ली दे लोकें गी हुन आम आदमी पार्टी दे  
झूठे वादें थमां मुक्ति मिलोग ते भाजपा दे डबल इंजन सरकार थमां लाह  
मिलोग। श्री गोयल होरें केंद्रीय बजट च दिती गेदी सुविधाएं दे बारे च  
आखेआ जे इंदे च 12 लकख रपे तक्कर दी आय पर टैक्स थमां छूट दिती  
गेई ऐ जेदे नै मध्यम वर्ग गी लाह होग। उनें आखेआ जे बजट कई खेतरें  
पर केंद्रित ऐ। इन्दे च निक्के बवसायें दा समर्थन करना, भारत गी विनिर्माण  
केंद्र च बदलना ते युवाएं आस्तै रोजगार दे मौके पैदा करना शामिल ऐ।

<><><><><><><>

## Jaishankar-Rahul

विदेश मंत्री डॉ. एस जयशंकर होरें उन्दी पिछली बरे दिसंबर च होई दी जातरा बारै च विपक्ष दे नेता ते कांग्रेस सांसद राहुल गांधी हुंदे पर जानी बुज्जियै झूठ फैलाने दा दोष लाया ऐ। इक सोशल मीडिया पोस्ट च उनें आखेआ जे ओह् अमरीका दे विदेश मंत्री ते बाइडेन प्रशासन दे राश्ट्रीय सुरक्षा सलाहकार गी मिलने आस्तै अमरीका गए हे। उनें भारतीय वाणिज्य दूतें दी बैठक दी अध्यक्षता बी कीती ही ते मनोनीत राश्ट्रीय सुरक्षा सलाहकार कन्ने बी मलाटी कीती। उनें आखेआ जे एह् सारे जानदे न जे प्रधानमंत्री मोदी ऐसे कुसै कार्यक्रम च हिस्सा नेई लेंदे ते भारत दी अगुवाई आम तौर पर विशेष दूत करदे न। जयशंकर होरें दावा कीता जे राहुल गांधी हुंदे झूठ बोलने दा मकसद बशक्क गै राजनीतिक रेआ होए, पर एहदे कन्ने विदेशें च मुख्य दी छवि खराब हुंदी ऐ।

<><><><><><><>

## Rajya Sabha Nagar Vimanan

नागर विमानन मंत्री के. राममोहन नायडू होरें आखेआ ऐ जे नोएडा च एशिया दे सब्बनें शा बड्डे जेबर अंतरराश्ट्रीय ब्हाई अड्डे थमां नियमित उडान सेवा इस बरे अप्रैल थमां शुरू होग। राज्यसभा च अज्ज पूरक प्रश्नें दा

उत्तर दिंदे होई श्री नायडू होरें आखेआ जे सब किश समयबद्द तरीके कन्नै होआ रदा ऐ। इस ब्हाई अड्डे कन्नै सत्यापन उडान पिछले बरे दिसंबर च परिचालित कीती गेई ही। श्री नायडू होरें आखेआ जे भारतीय वैमानिकी खेतर च 800 विमान परिचालित होआ रदे न। इनें उडानें दे निर्बाधा परिचालन आस्तै कुशल कार्यबलें गी प्रशिक्षित करने दे उपाए कीते गे न। श्री नायडू होरें आखेआ जे 1 ज्हार 600 वाणिज्यिक पायलटें गी हर बरे प्रशिक्षित कीता जा रदा ऐ। नायडू होरें अग्गे आखेआ जे नागर विमानन मंत्रालय ते नागर विमानन महानिदेशालय तकनीकी खामियें ते सुरक्षा मुद्दें गी घट्ट करने ठोस उपाए करा रदा ऐ। उनें दस्सेया जे तकनीकी खामियें दी घटनाएं दी संख्या 2022 दी 723 थमां घटियै 2024 च 273 होई गेई ऐ।

<><><><><><>

### **Rajya Sabaha Koyla**

केंद्रीय कोयला ते खान मंत्री जी किशन रेड्डी होरें दस्सेआ ऐ जे साल 2030 तककर कोयला उत्पादन बढियै 153 करोड़ 30 लक्ख टन होने दी मेद ऐ। श्री रेड्डी होरें राज्यसभा च इक्क प्रश्न दे उत्तर च दस्सेआ जे विकसित भारत 2047 आस्तै घरेलू कोयला उत्पादन गी बढ़ावा देने आस्तै सरकार प्रयासरत ऐ। उनें आखेआ जे उन्दे मंत्रालय नै 2030 तककर 14 करोड़ टन कच्चे कोयले दा उत्पादन करने दा लक्ष्य रक्खे दा ऐ। श्री रेड्डी होरें दस्सेया जे

कोयला ते लिग्नाइट पर वर्तमान रायल्टी दरें गी संशोधित करने दे मुद्दे दी जांच करने लेई अध्ययन समूह दा गठन कीता गेआ हा। इस समूह नै रायल्टी दरें च कोई बाद्दा नेई करने दी सिफारिश कीती ही ते सरकार नै इसी स्वीकार करी लैता हा।

<><><><><><>

#### PM-Internship

सरकारै दस्सेआ ऐ जे 3 अक्टूबर 2024 गी शुरू होने मगरा थमां हुनै तगर पी.एम इंटरनशिप योजना आस्तै मुख्य भरै थवां 6 लकख थमां मते आवेदन थहोए न। लोकसा च इक लिखित परते च कारपोरेट कार्य राज्यमंत्री हर्ष मल्होत्रा होरें आखेआ जे इस योजना गी लेइए लोकें च जबरदस्त उत्साह ऐ। उनें आखेआ जे पायलट योजना दे तैहत हुनै तगर हिस्सेदारी 1 लकख 27 जहार थवां मते इंटरनशिप प्रदान कीती ऐ। मल्होत्रा होरें दस्सेआ जे पैहले गेड़ च इनें कंपनिएं गी 80 जहार थवां मती दी इंटरनशिप दी पेशकश कीती जिंदे चा 28 जहार थवां मते मेदवारें इसी मंजूरी करी लैता।

<><><><><><>

#### PM-Internship

लोकसभा च अज्ज त्रिभुवन सहकारी विश्वविद्यालय विधेयक 2025 पेश कीता गेआ। केंद्री सहकारिता राज्यमंत्री कृष्णपाल गुर्जर होरें विधेयक पेश

कीता। विधेयक च गुजरात दे आनंद च स्थित ग्रामीण प्रबंधन संस्थान गी विश्वविद्यालय दे तौर पर कायम करने दा प्रावधान ऐ। इसी त्रिभुवन सहकारी विश्वविद्यालय दे नां कन्नै जानेआ जाग ते इसी राष्ट्रीय महत्व दा संस्थान घोषित कीता जाग। संस्था सहकारी खेतर च तकनीकी ते प्रबंधन शिक्षा ते सिखलाई प्रदान करोग।

<><><><><><>

### Grammy Awards

भारती-अमरीकी मूल दिएं गायिका ते उद्यमी चंद्रिका टंडन होरें'गी उंदी एल्बम 'त्रिवेणी' लेई ग्रैमी पुरस्कार हासल होआ ऐ। इस ऐल्बम च चंद्रिका होरें प्राचीन धुनें ते वैश्विक संगीत दा इक अनोखा मेल प्रस्तुत कीता ऐ। बड़ी मती प्रतिष्ठा आहले इस सम्मान दा ऐलान अमरीका दे लॉस एंजलिस च 67में सलाना ग्रैमी अवार्ड्स दरान कीता गेआ। टंडन हुंदी एह उपलब्धि उंदी सगगोसार सांस्कृतिक विरासत ते संगीत सरबंधी हुनर दे बड़े शानदार मेल उप्पर लोs पांदी ऐ ते एह अंतर्राष्ट्री संगीत दी दुनिया च इक बड़ा बड़ा संग-ए-मील बी ऐ।

तोआई, प्रधानमंत्री नरेंद्र मोदी होरें चंद्रिका टंडन होरें गी उंदी एल्बम त्रिवेणी लेई ग्रैमी अवार्ड हासल करने पर ममारकबाद दिती ऐ। सोशल मीडिया पोस्ट च टंडन हुंदी भारतीय संस्कृति प्रति जुनून इक उद्यमी ते संगीतकार दे तौर

पर उंदी उपलब्धियें दी सराहना कीती। उनें आखेआ जे टंडन होर मते सारे लोकें लेई प्रेरणा देआ'रदियां न।

<><><><><><><>

ISRO

भारतीय अंतरिक्ष अनुसंधान संगठन इसरो नै आखेआ ऐ जे एनवीएस-02 अंतरिक्ष यान पर लग्गे दा ऐ, थ्रस्टस दे नकाम रौहने कारण उपग्रैह गी लोड़चदी कक्षा च स्थापत करने दे जतने गी पछाड़ लग्गी ऐ। इस उपग्रैह गी जीएसएलवी-एमके-2 राकेट दी मदद कन्ने श्री हरि कोटा दे अंतरिक्ष केन्द्र थमां 29 जनवरी गी प्रक्षेपित कीता गेआ हा जेहड़ा जे अंतरिक्ष नेविगेशन सिस्टम साब्वे बड़ा महत्वपूर्ण ते इसरो दा 100मां प्रक्षेपण हा। इसरो नै उआं आखेआ ऐ जे उपग्रैह दा सारा सिस्टम ठीक ठाक ऐ ते उपग्रैह जीटीओ आर्बिट च चक्कर ला करदा ऐ ते इस कक्षा च नेविगेशन लेई उपग्रैह दा इस्तेमाल करने लेई वैकल्पिक मिशन रणनीतिएं पर कम्म कीता जा करदा ऐ।

<><><><><><><>

### **Lok Sabha Digital**

मुख्य च डिजिटल भुगतान लैन-देन पिछले माली बरे च 18 जहार करोड़ रुपे थ्वां मते दा रेआ जेडा 44 फीसद दी सलाना बाद्दा दर दा सूचक ऐ।

लोकसभा च इक लिखित परते च वित्त राज्यमंत्री पंकज चौधरी होरें आखेआ जे फौरी भुगतान सेवा ते राश्ट्रीय इलैक्ट्रानिक टोल संग्रह च बी टकोहदा बाद्दा होआ ऐ जिसले कि एकीकृत भुगतान इंटरफेस मुख्य च डिजिटल भुगतान लैन-देन दा प्रमुख प्रेरक रेआ ऐ।

<><><><><><>

### Kulgam-Attack

कश्मीर घाटी दे कुलगाम जिले च आतंकवादिएं दे इक हमले च इक साबका फौजी दी मौत होई गई ऐ ते ओहदी घरै आहली ते थीs जखमीं होई गइयां न। जिले दे बेहीबाग इलाके च आतंकवादिएं मंजूर अहमद बागे ना दे साबका फौजी ते ओहदे परिवार पर गोलीबारी कीती। हमले दे बाद इनें त्रौनें गी अस्पताल पुजाया गेआ पर साबका फौजी दी रस्ते च गै मौत होई गई। उआं ओदी घरै आहली ते थीs दी हालत खतरे शा बाहर ऐ। सूत्रें जानकारी दिती ऐ जे पुलस, नीम फौजी बल ते फौज नै इलाके दी घेराबंदी करियै हमलावरें दी तुपाई लेई अभियान चलाए दा ऐ। सूत्रें दस्सेआ जे वागे गी टिड्डै च गोली लग्गी जिसलै जे दौनें महिलाएं गी लतें च गोली बज्जी दी ऐ। उपराज्यपाल मनोज सिन्हा होरें इस हमले दी सख्त निंदा करदे होई साबका फौजी दी

मौत पर गैहरा दुख प्रगट कीता ऐ। उनें शहीद साबका फौजी गी श्रद्धांजलि  
बी भेंट कीती।

<><><><><><>

Badhaal-AIIMS

अखिल भारतीय आयुर्विज्ञान संस्थान एम्स नर्मो दिल्ली दी 6 मिनरें दी टीम  
नै राजौरी दे बडहाल ग्रां दा दौरा लाया। एह दल निदेशक प्रति डॉ.  
एम.श्रीनिवास हुंदी अगुवाई च आए दा हा। इस ग्रां च कुसै रहस्यमयी बमारी  
करी 17 लोकें दी मौत होई ऐ। एम्स थमां आई दी टीम नै प्रभावत परोआरें  
दे पानी ते रूट्टी दे नमूने लैते। उनें मकामी लोकें कन्नै गल्लबात कीती ते  
जीएमसी राजौरी च दाखल मरीजें गी दिक्खेआ। जीएमसी राजौरी च डाक्टरें  
आस्सेआ 11 मरीजें गी जैह दी काट आली एट्रोपाइन दुआई दिती जा'रदी ऐ।  
एम्स दे अलावा पीजीआई चंडीगढ़ दे माहिरें दा दल बी मामले दी जांच  
करा'रदा ऐ। उआं पिछले 10 दिनें दरान उत्थुआं कोई नमां मामला सामने  
नेई आया ऐ। बडहाल गी अजें बी कंटेनमेंट जोन गै रखेआ गेआ ऐ। जम्मू  
कश्मीर सरकार आस्सेआ कायम कीती गेदी एसआईटी बी मामले दी जांच  
करा'रदी ऐ।

<><><><><><>

## **Table Tennis**

वर्ल्ड टेबल टेनिस प्रतिस्पर्धा च भारत दी श्रीजा अकूला गी सिंगापुर च महिला सिंगल्स दे 64में राउंड च हार दा सामना करना पेआ। अकूला नै शानदार प्रदर्शन कीता पर चीन दी हे झाउचिया नै उनेंगी 3-2 कन्नै हराई दिता। इक दुए मुकाबले च मणिका बत्रा रोमानिया दी एलिजाबेता समारा दे आमने-सामने रौहंगन। तोआई, यशस्विनी घोरपड़े अज्ज 64में राउंड दे मैच च जपान दी मीवा हरिमोतो दे सामने चुनौती पेश करडन। पुरुष स्पर्धा च कल अचंता शरत कम ते मानव ठक्कर दे शुरूआती राउंड च प्रतिस्पर्धा थ्वां बाहर होई जाने कारण भारत गी शुरू च गै गतिरोध दा सामना करना पेआ।

<><><><><><>

## **National-Games**

उत्तराखंड च 38में राष्ट्रीय खेड़ें च निशानेबाजी च पंजाब दी सिफत कौर सामरा होरें महिलाएं दी 50 मीटर श्री पोजिशन च सुन्ने दा तगमा जित्तेआ ऐ। उत्तराखंड च इस्सलै चला'रदी 38मीं राष्ट्रीय खेड़ें च कर्नाटक दे 15एं बरेंदे Jonothan Gavin antony होरें पुरुषें दी 10 मीटर एयर पिस्टल स्पर्धा च सीनियर राष्ट्रीय खडारियें गी हराइयै सुन्ने दा तगमा अपने नां कीता। एंटनी होरें 240 इशारिया 4 अंके कन्नै पैहली थाहर जिस्सलै के Services दे रविंद्र सिंह होरें 240 इशारिया 3 अंके कन्नै दुई थाहर हासल

कीती। इस्सलै अंक तालिका च Services दी टीम 17 सुन्ने दे, 10 चांदी दे ते 8 केंह दे तगमे जित्तियै पैहली थाहर पर ऐ। दुई थाहर पर 17 सुन्ने दे, 9 चांदी दे, 9 गै केंह दे तगमे जित्तियै कर्नाटक ऐ ते महाराष्ट्र नै 13 सुन्ने दे 23 चांदी दे, 16 केंह दे तगमे जित्तियै अंक तालिका च त्रीs थाह हासल कीती ऐ।

<><><><><><>

### **BCCI-Cash Award**

महिलाएं दे अंडर-19 आई.सी.सी टी-20 विश्व कप दा लगातार दुई बारी खिताब जित्तने आहली भारती टीम लेई बी.सी.सी.आई नै 5 करोड़ रपे दे ईनाम दी घोषणा कीती ऐ। इस बारी दा विश्व कप मलेशिया दे Bayuemas Ovalin च खेड्ढेआ गेआ हा जेदे च भारती टीम दी अगुवाई निक्की प्रसाद होरें कीती। उआं पैहली बार दा अंडर-19 टी-20 विश्व कप भारती महिला टीम नै 2023 च दक्खन अफ्रीका च जित्तेआ हा जेदे च टीम दी अगुवाई शफाली वर्मा होरें कीती ही।

<><><><><><>